

POWER PT3

PEMINDAHAN MAKLUMAT

Praktis 1

Graf menunjukkan jumlah kanak-kanak yang hilang mulai tahun 2011 hingga tahun 2015. Jumlah kehilangan kanak-kanak setiap tahun adalah tinggi. Hal ini membimbangkan ibu bapa tentang keselamatan anak-anak mereka. Kebiasaannya, kanak-kanak diculik semasa mereka pulang dari sekolah atau bersendirian di taman-taman permainan. Tahun 2012 mencatatkan kes kehilangan kanak-kanak yang paling banyak, iaitu 2193 orang, diikuti tahun 2013 sebanyak 2054 orang dan tahun 2014 sebanyak 2015 orang. Kehilangan kanak-kanak ini mendatangkan kesan yang buruk terhadap keluarga dan diri kanak-kanak itu sendiri. Konklusinya, ibu bapa perlu mengawasi anak-anak agar tidak menjadi mangsa penculikan atau kehilangan anak-anak.

Praktis 2

Kebakaran ialah tragedi tidak diundang yang dapat merosakkan harta benda dan meragut nyawa. Pemilik-pemilik rumah dinasihatkan supaya sentiasa memeriksa penyambung dan saluran paip gas memasak bagi mengelakkan kebakaran ini daripada berlaku. Hal ini demikian kerana, kebanyakan kebakaran rumah berlaku disebabkan oleh paip gas yang bocor dan kelalaian manusia itu sendiri. Selain itu, pendawaian elektrik hendaklah diperiksa dari semasa ke semasa dan menukarkan pendawaian yang baharu setiap sepuluh tahun. Seterusnya, simpan mancis atau pemetik api di tempat yang tinggi supaya tidak dapat dicapai oleh kanak-kanak. Api semasa kecil menjadi kawan dan apabila besar akan menjadi lawan. Tuntasnya, sikap berwaspada dan berhati-hati dapat mencegah kebakaran daripada berlaku.

Praktis 3

Malaysia banyak mempunyai destinasi pelancongan yang menarik seperti Pulau Langkawi. Para pelancong boleh ke Pulau Langkawi melalui pengangkutan air, udara, dan laut. Hal ini demikian kerana, Pulau Langkawi ialah sebuah pulau bebas cukai yang terletak di utara Semenanjung Malaysia. Pelbagai tempat menarik yang boleh dikunjungi, antaranya ialah Pantai Cenang, Makam Mahsuri, Laman Padi, dan Padang Mat Sirat. Para pelancong boleh bergerak ke merata-rata tempat dengan kenderaan sewa pandu sendiri dan pengangkutan awam yang disediakan. Selain itu, kemudahan hotel, chalet, dan inap desa disediakan kepada pelancong yang ingin bermalam di sana dengan pakej dan harga yang berpatutan. Ironinya, para pelancong akan memilih Pulau Langkawi sebagai destinasi percutian mereka setiap masa.

Praktis 4

Karnival Pendidikan Tinggi Negara diadakan pada peringkat negeri Pulau Pinang pada 6 hingga 7 Mac 2021 yang bertujuan untuk memudahkan pelajar membuat pilihan yang tepat bagi melanjutkan pelajaran. Pelbagai kemudahan disediakan seperti biasiswa dan pinjaman kewangan diberikan kepada pelajar yang layak. Hal ini akan mengurangkan beban kos pengajian yang terpaksa ditanggung oleh seseorang mahasiswa. Seterusnya,

kebanyakan pengajian ditawarkan oleh universiti awam dan universiti swasta di dalam negara. Pelbagai program pengajian ditawarkan sesuai dengan keperluan masa hadapan bagi memudahkan mereka mendapat pekerjaan selepas tamat pengajian nanti. Ironinya, pelajar boleh mendapatkan khidmat nasihat yang disediakan agar mereka dapat memilih jurusan yang sesuai dengan kelulusan dan bakat mereka.

Praktis 5

Banyak cara yang boleh diambil untuk menangani pencemaran alam sekitar. Antaranya termasuklah menempatkan kawasan perkilangan secara lebih teratur. Selain itu, kilang-kilang yang dibuka hendaklah jauh dari kawasan perumahan. Seterusnya, kemahiran merawat sisa-sisa toksik dengan kaedah sains dan teknologi amat perlu. Undang-undang sedia ada perlu dikaji dan dipinda agar sesuai dengan perubahan dan kehendak semasa. Dalam pada itu, kesedaran dalam kalangan orang ramai tentang kepentingan menjaga alam sekitar perlu dipupuk bagi memastikan alam sekitar kekal terpelihara. Akhir sekali, orang ramai perlu mengelakkan pembakaran sampah secara terbuka.

Praktis 6

Amalan rasuah di sesebuah negara perlu ditangani kerana banyak memberikan kesan buruk kepada negara. Amalan rasuah dapat mencemarkan imej negara dan rakyatnya. Selain itu, amalan ini memberikan kesan buruk terhadap sistem pentadbiran negara. Amalan rasuah juga dapat menjejaskan keyakinan orang ramai, khususnya pelabur asing terhadap kecekapan dan keberkesanan sistem perundangan serta birokrasi negara. Seterusnya, sesuatu organisasi yang mengamalkan rasuah akan hilang integriti dan kepercayaan orang ramai. Akhir sekali, amalan rasuah menyebabkan seseorang boleh dikenakan tindakan undang-undang dan akan kehilangan pekerjaan.

Praktis 7

Banyak dalam kalangan remaja kini yang berhutang. Hal ini berpunca daripada sikap gemar berbelanja berlebih-lebihan. Mereka menggunakan kad kredit untuk membeli pakaian yang berjenama dan mahal. Selain itu, mereka berbelanja tanpa mengukur kemampuan kewangan diri sendiri sehingga menyebabkan mufli. Hal ini membuktikan bahawa mereka masih lemah dalam pengurusan kewangan. Remaja akan berhutang sebaik-baik sahaja melanjutkan pelajaran di pusat pengajian tinggi apabila meminjam wang daripada tabung pendidikan. Lebih malang lagi, mereka yang menganggur gagal untuk membayar hutang pinjaman pendidikan. Ironinya, kegagalan menguruskan kewangan yang baik akan memberikan kesan buruk dalam jangka masa panjang terhadap kehidupan seseorang remaja.

Praktis 8

Petikan membincangkan punca-punca penyakit mental. Antara puncanya ialah tekanan hidup yang semakin mencabar. Selain itu, bebanan kerja yang banyak perlu disiapkan dalam masa yang singkat menekan pekerja. Dalam pada itu, kelemahan pengurusan organisasi menyebabkan prestasi kerja merosot. Seterusnya, hubungan sesama rakan sekerja yang kurang erat, tiada kesantunan, dan hilang sikap saling membantu menjadikan anggota dalam sesebuah organisasi berada dalam konflik. Di

samping itu, kurangnya sokongan daripada pihak atasan yang menjadikan situasi tempat kerja tidak menyeronokkan. Terdapat majikan yang menafikan hak pekerja untuk mendapatkan layanan yang baik dan perikemanusiaan. Tuntasnya, pelbagai usaha perlu dilakukan bagi mengekang masalah tekanan dan stres ini daripada berleluasa.

Praktis 9

Petikan membincangkan sebab-sebab berlakunya keracunan makanan. Antaranya seperti penyedia makanan yang tidak menjaga kebersihan makanan, termasuklah mengamalkan tabiat kotor seperti batuk atau meludah berhampiran makanan. Selain itu, penggunaan racun serangga yang tidak dikawal menyebabkan sayur-sayuran dan buah-buahan dapat mengakibatkan keracunan makanan. Bahan-bahan mentah yang belum dimasak yang terdedah kepada vektor pembawa penyakit seperti lipas dan lalat juga menyumbang kepada keracunan makanan. Penggunaan bahan pewarna dan bahan perasa yang berlebihan juga akan mengganggu kesihatan. Ironinya, sikap pengendali makanan yang tidak menghiraukan kebersihan dapur dan persekitaran akan

mengundang padah. Pemeriksaan mengejut oleh pihak yang bertanggungjawab dan tindakan undang-undang akan dikenakan bagi menyedarkan pemilik premis makanan yang bersikap sambalewa ini.

Praktis 10

Petikan membincangkan pencemaran alam sekitar mendatangkan implikasi buruk. Pencemaran akan memberikan kesan kepada perubahan cuaca dan kesuburan tanah yang dapat menjejaskan aktiviti pertanian. Selain itu, pembuangan bahan-bahan tercemar dapat mengancam habitat haiwan menyebabkan kepupusan haiwan. Di samping itu, penipisan lapisan ozon juga disebabkan oleh pencemaran udara. Sinaran ultralembayung yang sampai ke bumi memberikan kesan kepada manusia. Kecerutan ais di kutub utara dan kutub selatan menyumbang kepada peningkatan aras laut yang akan menenggelamkan kawasan petempatan yang rendah. Fenomena banjir besar yang berlaku mengakibatkan kehilangan banyak nyawa. Tuntasnya, kesejahteraan alam sekitar dapat menjamin kehidupan yang lebih selesa.